



卷  
二

2



明詩選卷之二

李 雯 舒章氏

雲間陳子龍臥子氏同撰

宋徵輿轅文氏

○五言古詩一

劉 基

字伯溫青田人洪武中以

庸藥死正德中贈太師益

文成所著有郁離子誠意

伯全集

臥子日文成雅詞微傷

婉弱令人思留侯之貌  
轉文曰文成詩似刻意中晚  
而声調稍雄五言古亦適  
舒章曰伯温如空庭老鶴弄  
影月明雖有蒼  
姿不極風力

旅興

倦鳥冀安巢。風林無靜柯。路長羽翼  
短。日暮當如何。登高望四方。但見山  
與河。寧知天上雨。去為滄海波。慷慨  
對長風。坐感玄髮皤。弱水不可航。曾

城岌嵯峨。淒涼華表鶴。太息成悲歌。

舒章曰憂謔之言深微不激

其二

青青瀟湘竹。猗猗被寒水。遊子如飛  
蓬。佳人曠千里。登高左右望。但見黃  
塵起。鳳凰翔不下。梧桐化為枳。傷懷  
不可道。惻念何時已。

轉文曰得騷人之旨

卧子曰音調  
從阮公得來

其三

日落天氣涼，逍遙步庭墀。蟋蟀已在  
宇，鴻雁來何遲。少壯輕遠遊，衰老傷  
別離。念我親與友，各在天一涯。音容  
兩契闊，悲歡絕相知。鍛羽懷舊林，葺  
鱗思故池。百年能幾何，逝者無還期。  
俯仰增感嘆，有懷當語誰。殷勤托宵

夢聊用慰所思

晚同舟上人登師子巖作

落日下前峰，輕烟生遠林。雲霞媚餘  
姿，松栢澹清陰。振策縱幽步，披榛陟  
層岑。槿花籬上明，莎雞艸間吟。涼風  
自西來，颼々吹我襟。采華能幾時，搖  
落方自今。逝川無停波，急弦有哀音。  
顧瞻望四方，悵焉愁思深。

轅文曰已有  
晉宋之間

琴清堂詩

亭々嶧陽桐斲為綠綺琴絙之朱絲  
絃彈我白雪音虛堂夜迢々華月耿  
踈林鳳凰天上來虬龍水中吟曲罷  
起大息無人知此心

舒章曰汎々  
大雅之音

高啓 字季迪長洲人洪武中官  
至戶部侍郎坐法死所著

有正鳴集鳥藻集姑蘓雜  
詠與揚基張羽徐賁同有  
詩名而啓為之冠世  
稱高揚張徐四家

舒章曰李迪如春  
池黃鳥游目可念

臥子曰季迪詩如渥洼生駒  
神駿可愛特未合和鸞之度

耳轅文曰季迪妙有才情翻々  
轉文曰季迪妙有才情翻々

矯逸困初詩  
人允空首推

雜詩

朝臨高堂上俯視崇岡下春暉何悠

明詩選卷二  
悠清川自東瀉陽和發卉物時澤均  
播灑如何及芳辰蕭條但空野願言  
釋拘局登高騁吾馬曠途不見人憂  
心何繇寫興謝固其常吾將尤誰者

轅文曰  
矯然

### 顧榮廟

晉侍中顧彥生有墓并祠在  
長洲之東久而為廢祀縣令

### 周君復之賦是詩

軍司吳國秀機神夙超朗弱冠遊洛  
師已蒙南金賞崎嶇諸王幕沈湎務  
遵養中罹廣陵艱計服匪滅枉風雲  
一揮扇義旅臻同響事成耻言勲飄  
然理歸鞅晉社始東遷群賢悉收災  
道謁真感會矯翼丹霄上德聞一代  
稱跡泯千齡徃時屯之良佐英謨益

明詩選 卷二  
堪思

舒章曰似  
謝康樂

送程較理游江上

風亭裊離管，艸綠江水暮。送此南浦人，孤帆雨中渡。別觴足自緩，前驛花滿路。春鼓恋山鶯，晚絮迷汀鷺。我今獨愁居，芳月誰與度。佇立望遙波，相思積烟霧。

張羽

舒章曰  
婿秀  
字來儀，潯陽人。洪武中官至太常寺丞，所著有靜居集。

秋日苔溪道中

深秋群物肅，灑氣明朝陽。方舟蕩清溪，良游閱景光。踈林綴餘綠，菰蒲搖晚芳。鳴鴻去杳杳，遙嶺翳蒼蒼。問行無物役，沿洄自徜徉。寂寞欣有得，留

連豈為荒一理。滄浪調知音。非所望。

韓文曰來儀秋日一篇亦自雅澹結頗奇傲

袁凱 再見

書北山精舍壁

夙昔慕幽曠。中年值奔走。及茲始知返。固已成皓首。茲為山水選。風氣固深厚。峯嶺皆巖岨。綿邈盡林藪。清泉寫幽磴。白雪被層阜。既多緇素流。况

有耕釣思。初心已云協。雅言得兼受。始來踈梅墮。復此山櫻剖。庶幾去日遲。誰謂行當久。揮手謝明侶。吾將寄衰朽。

韓文曰清整之作其源出於王粲

偕友人早出郊

離群寡遊豫。得朋殊繾綣。相將度春水。散漫入芳甸。班荆烟乍歛。摘花露



猶泫林鶯坐未出沙鳥飛還見遙山  
浮空翠晴雲曳輕練一聽野人言復  
起滄洲願

舒章曰清  
疎掩映

倪

瓚

字元鎮無錫人元末有盛  
名因初徵辟不起後坐事  
死世稱高士

戊寅十二月丹丘博士過林下

賦詩次韻酬答

積雪被長坂臥病守中林山川雖云  
阻舟楫肯見尋頃蓋何必舊相知亦  
已深驚風飄枯條清池冒重陰聯翩  
雙黃鵠飛鳴綠水潄顧望思鬱紆排  
徊發悲吟願言齊羽翮金石固其心

轅文曰高士林下  
之作便清適

汪廣洋

字朝宗高郵人洪武中  
功封忠勤伯入中書省後  
坐法賜死

遠游

朝發庾公樓夕扣滕王閣長歌奮激  
烈清風蕩寥廓張帆江水秋伐鼓  
月落予亦將遠游明當造黃鶴

轅文曰壯直

烏斯遊

字繼善四明人洪武中官永新令

澤畔

上征天無風遠游人無金種蘭人不

笑行吟向江濤漁父曠達者庶幾知  
我心鶴鳴子和徒然有哀音踟躕  
當奈何湘水清且深

轅文曰起句奇特全篇亦緊動

古拙

楊子奇

名寓以字行秦和學士永梁中累官文淵閣大

德中進少師謚大負所著有沙羨稿石基稿東里集

漢江夜泛

汎舟入玄夜奄忽越江干  
負景頽西林列宿粲以繁  
凝霜飛水沓回飈蕩微瀾  
孤鴻從北來哀鳴出雲間  
時遷物屢變游子殊未還  
短褐不掩胷歲暮多苦寒  
悠悠念行邁慄慄所歡  
豈不固時命苦辛誠獨難  
感彼式微詩喟然興長歎

蘇文曰  
雅鑄

張

洪字潤濬安福人正統中官監察御史

古東門行

僕夫顧我悲轅馬跼不行  
古來離別地青艸不復生  
居人攀桃李張望維為情  
流塵起阡陌遠樹花冥冥  
欲向東門道唱此東門行  
土中有枯骨聞之復心驚

轅文曰沈  
着感慨

李東陽

字賓之，湖廣茶陵州人。天順甲申進士，累官大學士。

贈文正師

臥子曰：文正網羅羣彥，道揚流風如帝紀，天人雖無与宗。

派實為法門所貴

習隱

野色澹蕭條，城居類林壑。閉門掃荒  
逕，秋葉紛欲落。園亭雜花晚，紅碧相  
間錯。采芳意未遲，及此霜露薄。撫景

非少年，悠然念今昨。

李夢陽 再見

述憤詩

弘治乙丑年四月坐劾言寧侯

逮詔獄

臥子曰：怨而不怒，雖在幽憤，無忘德音。

轅文曰：与思王白馬贈別之篇同，一源流而此以質勝，若風致則不如。

舒章曰嘗讀息夫經命詞而知為小人讀陳思王責躬詩而知為君子若此等詩序致性情皆夙雅之餘韻也

天門鬱岵堯虎豹守其隅  
番々九苞禽頡頏舞雲衢  
銜書奏至尊青龍与之俱  
光夕絕還響徙倚空愁余

其二

帝居杳何詵蒼々隔九閣  
白玉為阿閣黃金為重門  
可望不可扣仰見飛

雲奔何當發炎旭下炤孤葵根

其三

懸車曜回景夕風起喬林  
撫茲散沈憂浩蕩開重陰  
迴翔瞻闕明隱著思玉音  
宵坐焰明燭懷古傷我心

其四

大化罔不虧人生固多艱  
汎觀疇昔人浩然發憂歎  
自非餐霞飲伊誰駐

朱顏律、南山岑拂衣會堂還

蘇文曰辭緩而氣愈迫

其五

飄風自南來，颯入我懷。我欲隨之，  
翔北向。三重塔守閣，遙望余。意圖何  
由排，戚勿重陳。危言多厲階。

其六

苔井蕭陰森，獄廟閟以清。車前當路

翻紅葵，夾階生羈人。散煩疴，紆徐步。  
中楹時禽變，好音庭柯敷。夕采詎知  
沮，汝塲曠然獲悠情。

其七

青心廟中槐，交心一雙禽。為巢育其  
兒，結構良苦辛。一朝驚彈羅，移棲向  
高林。我行適見之，歎息空彌襟。

舒章曰觸目寓  
言意致不羈

其八

小艸生枯桑，芊芊競芳辰。雖云殊本根，寄託各有因。自我罹幽囚，忽焉經浹旬。我兄千里餘，渺渺長河津。妻子日望余蒼蒼，隔西鄰所幸二三友。笑言越昏晨，宵鐙促燕膝。昵語忘苦辛，患難苟相得，毋論骨肉親。

韓文曰：結語情真。

其九

檐月何徘徊，晨風復依依。載言別同居，倉皇倒裳衣。處者各惆悵，去者從此辭。丁寧故與親，願勿長相照。昊天威我久，寧在茲。

卧子曰：若少有怨對，便非雅音。

田園雜詩

野清雲氣滿，塲功亦云畢。此獲雖有

殊大小各盈室感茲狼戾年追念憂  
苦日紛然噴其饑妻子孰遑佚歲立  
借寒熱人事坐勞逸蕭、原野霜何  
叫不垂實

其二

壯時掉塵鞅老乃即農務值弦田事  
終怛然感霜露原萋日以斂林華不  
守故巖霜淨游氣翔鵠在天路鷓雀

躍蓬蒿啄食不滿嗉而予竟何言飯  
牛髮今素

舒章曰不學彭  
澤是自洒朗

贈鄭生

伊余解組歸汝也美少年駿馬臂兩  
引射獵梁玉川感子重意气授之黃  
金鞭萬里不易致悲鳴為誰前

韓文曰稍  
近唐音



賦得古別離送龍湫子

盈、楊白花、汎、綠波水、化為萍、  
艸、乃與人相侶、飄泊無根蒂、隨風任  
流止、今日歡聚客、明日倏千里、千里  
異鄉縣、有時復相見、心情豈固殊、所  
嗟形色變、一見復一別、少壯頭盡雪、  
老大未足傷、願言崇令芳、

衛上別王子

晨風應候至、鷄鳴各嚴車、我今存  
中子、當旋舊閣、僕夫理前綏、轅馬悲  
鳴趨一別、阻秦周、相望萬里餘、首春  
霜露重、厚汝征衣、襦昔為同袍、今  
在天一隅、故者日以遠、疇能察區、

其二

稅車朝歌里、送子輝水陽、群雁起高  
飛、凌風各分翔、敦交多故懷、况乃憂

明詩卷二  
故鄉征夫愁日短去馬知路長童  
孤生拍結根南山旁願言采此拍遺  
我心所當

舒章曰音合  
情合氣合

贈徐禎卿

獨處忽不懌攬衣循東廂樹木何脩  
脩春風起飄揚我友駕在門告言適  
江湘倉皇挈玉壺迫送臨河隄顧瞻

兩飛鳧並戲水中央翩翩厲羽翻鳴  
聲一何長奈何游客子一別永相望  
時澤亮有周天命固其當薄終義所  
劣別離庸詎傷懿彼回路瞻慷慨中  
此章

轉文曰全  
擬思王

又贈王舍人

徬徨亦何為悵望遠行客枯桑號天

風時節修復易簪被匪我采棄置安  
所惜願為東南風遂附高翔翮

其二

勁翮無羣棲靈根豈叢藉人生非苦  
匏安得常相見動息各有因况不異  
鄉縣徘徊岐路側仰視雲中雁

其三

雁征會來歸君行何日返驚心飄駝

光歲月忽已晚登山采白雲遺我心  
繾綣上言制頽齡下言助餐飯

臥子曰風節  
黃亮

贈劉氏

昔々吳中娥奕々宛清揚邂逅此堂  
隅瞻顧兩回翔攘袖發皓齒列坐無  
高唱行雲為徘徊順風託馨香周席  
莫不歎側目生流光何意芳盛年峻

義明秋霜於禮滅銷薄銀漢徒相望

舒章曰：混、如、瑟、琴之和聲。

寄康脩撰海

少陰盛霜雪崎阻鴻雁饑荷斧入林  
谷日暮誰共歸林樹窈冥小徑路多  
虎羆北斗橫寒岑邵野風浪悲欲往  
河無梁念子忽如迷榮耀在須臾  
沒誰復知思附玄鶴翼從子以高飛

舒章曰：時似十九首

卧子曰：覺嘆音不遠

送蔡帥備真州

颶舟逾長淮登陴望大江氣勢何  
盤皇矣負我邦宮殿槃高擘鍾山  
青蒼橫颶靜霜夕天墜如沸湯時  
智士拙貨賤良質歲無言邊境  
居亦慨慷

舒章曰音動筋鼓

送張舍還金齒

百憂強自排，感之輒復積。亦知別心苦，所奈惟愛客。迢迢西南夷，歎子此行役。出雲懷舊山，倦鳥厲歸翮。時情苟靡遭，勉合亮奚益。還道尚云遠，去去加飡食。

廣獄成還南昌候子

時至鮮枯林，朱蘭被長坂。瑤嶠覲賢跡，停楫暫遊衍。靈雨吐葛花，柏葉已復展。佳哉溪上邑，流峙亘而緬。岑々徐巖秀，飛泉洒丹巘。巖亭交景風，裾帶時自卷。居高乃慮孤，涉歷悟攸遣。枚々三陸宮，千秋竟茲顯。

轉文曰似康樂景取子曰風

其二

夕棲瑞洪渚遙覽渚北山相傳洪崖  
 子乘雲自此間履跡今尚存其人  
 莫攀輿余登征途頻年涉間關毀譽  
 一嬰心寤言多所歎於茲誠跼蹐振  
 衣躡前巖泝水奔浩々驚風蕩回川  
 欲濟惜無架飈輪儻中還

韓文曰意旨忠厚君子之言

熊御史車墓感述

幽々山下江峩々山上松累累松下  
 墓瑟瑟松上風慨昔与君遊並遊京  
 華中峨冠省臺内鳴壺趨步同中更  
 歎莫嗟永逝當何逢絕絃已易慘挂  
 劍今誰從駕舟乱回洋展墓臨高崇  
 浮雲駭南流顧望摧我衷德音既長  
 已情感胡由通祇餘泣麟意悲歌傷

命窮

舒章曰遷序四句

徐子墓

晨興駕我車行，造古墓墓門一何  
寥。踟蹰久延顧，陌阡修且直。青松夾  
中路，借言葬者誰。漢時徐孺子，麟出  
涼不偶，龍潛竟何以。我東都會藹  
藹，青雲土一鳴爭及時。邁跡歆先軌，  
冠蓋紛若雲。車馬闐京里，鳴玉氣自

振排闥情難已，鴻鐘有競勳。大策無  
停紀，斯人獨岑寂。哀歎勞心理。

舒章曰高山流水如見其人

轅文曰九京可作低昂自深

念懷石門山水尚矣，頗有移家  
之志。交春氣熙，竹鳥獨在述  
情。遣抱四詠，遂成示同好。數  
子

浮海淳固窮通河欵以邁濯纓萬里  
流高視九州水功成奔運祖氣至流  
飈代凄々秋柯零冉々春條如局覽  
倦河壘孤惊冀巖瀨道以沈寂超賞  
与崇深會豈惟超遠情亦因謝塵輟  
聿想山中人風吹女蘿帶折麻凌險  
岬采秀越森蒼眷彌志終申獨往竟  
誰礙寧々太行峰巖々百門對抗手

別故懽乘雲弄烟瀝

風子曰琢辭類  
謝微見雄氣

舒章曰商風拂  
林振動崖壑

白鹿洞編覽名跡

情高忽凌萬步健輕嶂緬葛弱亦須  
捫崖滑每獨跋涉清愛重屢探且遺  
驚眩始茲陟五峰遂憇松下岫巖桂  
紛始率石耳翠峯卷迥想白鹿洞伊



人竟何道觸端緒自安  
群荔况在眼  
慨歎意莫置顧望且已晚  
夕湖浴岑  
峭流光滅蘭坂命酒寫  
幽獨吹琴且  
游衍

舒章曰清氣映  
袂攬結不已

曲江亭閣

在豐  
城縣

纜舟金華潭遂陟岡上閣  
蹊迳阻紆  
鬱巖水光參錯夏林一何清  
餘雨淅

未落高覽景自異况值晚霽  
廓夕日  
明錦湍歸雲擁華薄近山聿  
蒼翠遠  
嶺復岑崿曠蕩感遇寓俛仰  
歎今昨  
不見往者悲祗覲來者樂  
顧瞻大江  
流愈退代謝速源湧竟誰禦  
遂守諒  
能回所貴遺榮名覩義願有  
助

蘇文曰蒼翠之  
色康樂所

詩

舒章曰  
矯逸之  
詞於子  
建子  
陶共  
阮公

西國有佳人，獨立青雲端。容豔若桃李，左女佩芳蘭。含思理玉琴，吟一何閒更節有餘悲。曲終再三歎，借問歎者誰。中意難自宣，沈吟攬衣帶。仰視鳴鶴翻，思阻望不申。何況隔丘山。

其二

昔余曳鳴珮，渴帝扣天闈。聖人垂衮衣，賡歌庶事康。鼎成不我顧，奄忽驅龍翔。生死變化理，反覆開存亡。采華有銷落，連茹切微霜。晨朝在須臾，返車棲泮桑。

韓文曰  
采華  
二語  
好雅  
臥子曰  
即慈歌  
孝  
三  
之  
倍  
深  
博  
測

登山 四海日夕忽 俯身眺城  
郭海然沾我襟 交路夾芳蘭 迹駟何  
駸 朱樹藹尚懋 奇巧媚 北里  
進異興 高唐呈妙音 織羅振冷芳 朝  
雲遮嘉吟 不見秋至 叶零落 愁春心

臥子曰環珮珊  
珊如有餘響  
轉文曰  
矯秀

其四

倚閭遲佳人 日莫期不來 拂衣舍之  
去去上延秋臺 旗旌蔽原坂 鼓角鳴  
且哀 黃鵠翔不下 腐鼠鷗見猜 壯士  
憤國維 撫劍但徘徊 白日倏西頽 愴  
惋肝肺摧

其五

昔余遊金南 曾上竹天臺 竊竊誠玄  
冥 驚重悲風 松栢摧 冷傍玉梁 空

在哉舉手招王喬三洲門蓬萊黃嶺  
舞高岑清雲曳徘徊歎息長久術愴  
惻今人哀

其六

黃塗亘東西六龍駕天車一馳濛汜  
間百計無柰何弯弓倚扶桑抗手招  
陽戈浮雲徂我前逝鳥鳴相過鳳凰  
愁丹山溟海日夜波行々欲安之念

此紛漉沱

其七

自聞鷓鴣鳴於心懷憂傷陰氣馴以  
厲庭艸隕繁霜阜蘭萎不榮悲風遊  
素尚浮雲晝易冥白日時漏光登山  
期所思反見高鳥翔蹀躞豈規步訛  
言倘濤張揮袂層霄間撫々增慨慷

轉文曰皇時之言原於變雅  
詩章曰莫風於國秀

禘祭頌述

弘治十八年歲除日作是時武宗

即位

嗚呼大聖人肇迹或漁樵蒼龍戢其  
角志固無丹霄德祖始側微濬葉開  
皇朝禮蓋視后稷面南統群昭大哉  
九廟義親盡敢不祧再遷及皇熙世  
室闕以寒禘辰復來集鳳凰鳴蕭韶

惟皇率百辟孔祀自今朝白日照寶  
旂御氣如絳綃將々磬筦鳴颯々靈  
旗飄恍惚帝醉飽諸王亦飄颻下有  
開國勲偃蹇羅金貂愚臣叨對越精  
鳧為之搖鼓鐘送群公玉戶風蕭々  
唐侯昔踐位十八号神堯皇實秉敦  
默龍性無逍遙道合天人際志与禘  
明超降祉倘冥漠四海無征徭

臥子曰雖近唐製無忝大篇

舒章曰金枝翠旗如見精爽

### 功德寺

宣宗昔行幸遊戲玉泉傍立宇表截  
 巢開池荷芰香波樓逸感沓風松奏  
 笙簧百靈具來朝落日錦帆張萬乘  
 雷霆動千岩滅流光綺繡錯展轉翠  
 旗當低昂法眷撞鐘鼓宮女拭御妝

笙鏞沸兩京星斗宿巖廊至尊奉太  
 后國事付三楊六軍各宴眠百官守  
 舊章巡非瑤水遠跡豈玉臺荒嗚呼  
 百年來回首一慨傷鳳騰赤霄暮龍  
 歸竟茫々山風撼網戶紫殿生夜霜  
 退朝值沐休我行暫翱翔娟々登岸  
 林慘々度石梁廢道哀湍寫松柏間  
 成行啓鑰肅覽歷過位增悲涼積々

灑掃缺乳鴿鳴睡堂舊時琉璃井倒  
榭如人長神已佐上帝教猶託空王  
鈴磬吼鳴夏晨昏禮相將盤遊非聖  
理操縱在先皇至今朝廷上不改舊  
紀綱

舒章曰追述往事有魚藻之義

### 臘雪曲

日光搖白雪黃雲片片裂狐裘誰家

郎駿馬如電掣馳騁復徘徊掉臂角  
弓開一發中雙狸笑上梁王臺

韓文曰太白江寧五言  
如此存之以備唐風

### 送程生之南海

生為海南客幾度登羅浮天清眾島  
出萬水朝宗流乘桴聖者歎望洋遊  
子愁明珠與翡翠歲久到神州

舒章曰  
簡雅

湘妃怨

采蘭湘北。汜舉木。澧南。淶淶水。含。瑤。  
粉。微。風。託。玉。音。雲。起。蒼。梧。夕。日。落。洞。  
庭。陰。不。知。篁。竹。苦。惟。見。淚。班。深。

轉文曰  
深秀

春曲

萋萋百尺臺。南臨大道開。月明珠箔  
捲。塵暗寶車來。豪雄五都俠。意氣萬

人摧帶。醉穿林徑。垂鞭拂閣梅。

轉文曰意  
態流逸

漳津夕眺

揚舲亂北渚。靡蓋望西陵。帳殿牛羊  
下。歌臺麋鹿升。日夕松柏路。蕭蕭響  
風樹。連沙改故浦。空山沒蒼戍。徘徊  
望霸氣。鄴城在何處。

舒章曰筆  
有餘勁



贈劉主事麟

濛濛孤舟久橫笛坐烟浦秋線被汀  
沙落雁不可數烈調千行雲激商復  
流羽曲竟和者誰佳人淚如雨

韓文曰此亦唐  
古詩之佳者

明詩選卷之二

